

石
泐
詩
鈔



C 88775

石 詩
方 撰



感豐紀
石方撰
石方

石 詩
方 撰

石沔詩鈔自序

萬物人爲貴物不能言其似言者終莫知其所以言惟人不能已於中而言言焉而成文文之有韻者爲詩詩排比之爲律律截之爲絕句其未成律者今稱之曰古如樂府辭曲歌行謠吟體制略別而皆本於人心之言記曰言之不足而長言之長言之不足而嗟歎之書曰詩言志志之外無言言之外無詩詩有工拙卽人之有善言與不善言者耳言可傳者聖人惜聖人不皆有詩言不足傳而強名曰詩以求傳則可傳者僅矣今之能詩者誰不曰規唐模宋出入於漢魏源流於三百者邪諛詩者又誰不曰真規唐模宋出入於漢魏源流於三百者邪竊謂言人人殊而耳目所聞見心跡所周歷時世執位之所遭逢古今人不能盡異則又安能越乎古今人所已言者而自爲一言言焉而存與不存存焉而傳與不傳則皆其適然者耳石沔能言矣卽當有詩且嘗學爲詩矣又烏得不存詩存其言耳則又何俟人序人又何以序石沔之詩故自言其所以言者如此假有傳吾言者曰善哉言乎石沔之詩或遂藉以不

朽然亦非石沔所敢知己

咸豐元年歲在辛亥孟春月元日

石沔詩鈔

自序

二

石沔詩鈔目錄

第一帙

蓮篔集 戊子

第二帙

星垣集 戊子

第三帙

天光雲影齋集上 戊子

第四帙

天光雲影齋集下 己丑

石沔詩鈔

目錄

第五帙

青天集 己丑

第六帙

浣花集 庚寅

第七帙

萬重山集 庚寅

第八帙

藜牀集 庚寅辛卯

第九帙

從軍集 壬辰

第十帙

崔泉集 癸巳

第十一帙

朗吟集 癸巳

第十二帙

開雲集 甲午

第十三帙

公車集 甲午 乙未

石汾詩鈔

目錄

第十四帙

大江南北集 乙未

第十五帙

吳頭楚尾集 乙未

第十六帙

再上集 乙未 丙申

第十七帙

汶上集 丙申

第十八帙

南船集 丙申

第十九帙

三上集 丙申丁酉

第二十帙

景山集上 戊戌

第二十一帙

景山集中 戊戌

第二十二帙

景山集下 戊戌

石泐詩鈔

目錄

第二十三帙

四上集 己亥庚子辛丑

第二十四帙

步瀛亭集 辛丑壬寅

第二十五帙

五上集 癸卯

第二十六帙

一覽集 甲辰

第二十七帙

一覽集二 乙己

第二十八帙

一覽集三 丙午

第二十九帙

一覽集四 丁未

第三十帙

一覽集五 丁未

石泐詩鈔

目錄

四

石沔先生詩起道光戊子訖咸豐辛亥共四十二卷今
刪爲三十五卷刻止丙丁之第三十卷其蜀道一覽諸
集一刻於長沙一刻於都門茲削去者又十之三四先
生邃於性理精於吏治不屑言詩此其寄興耳道光庚
戌開雕於夏津縣署典與讎校之役因識其槧略如此
辛亥仲夏同邑黃進典

石沔詩鈔

辛亥仲夏同邑黃進典

石沔先生詩起道光戊子訖咸豐辛亥共四十二卷今
刪爲三十五卷刻止丙丁之第三十卷其蜀道一覽諸
集一刻於長沙一刻於都門茲削去者又十之三四先
生邃於性理精於吏治不屑言詩此其寄興耳道光庚
戌開雕於夏津縣署典與讎校之役因識其槧略如此
辛亥仲夏同邑黃進典

天
民
圖
章

石泐詩鈔卷第一

寧遠楊澤闡

蓮蓂集 戊子

石泐學詩蚤十數齡時輒懇懇爲之見聞陋隘一
二性靈語閱古人集皆先得我心故不甚點檢茲
集編自戊子始向爲蓮蓂濂社二集分三卷以刪
去過半合爲一集蓮蓂者石泐讀書處也

登羅陽峰

獨啟西南秀盤空一萬重遠雲升絕頂奇執冠諸峰眼
石泐詩鈔 卷一 一
底平疇接行邊翠靄濃天風攜滿袂謾謾嘯長松

雪磯懷古二首

吾邑樂聲遠先生名雷發宋淳熙進士理宗詔
親試對策賜特科狀元爲數議時政不果用歸
隱雪磯因以自號有雪磯稟行世

時事遭南渡歌聲斫地哀空餘家國汨終老狀元才陵
谷幾桑海煙波一釣臺爲尋高隱處漚鷺莫驚猜

細雨斜風裏微茫大雅音斷橋流水遠疊岫晚鐘深
莖三生夢江湖八策心裛中詩本在扣劍一長吟

擬古七首

離離江上艸各在天一隅
廩廩歲云莫念子寒無襦
白雲還遠岫南枝集夜鳥
故人沮天末豈不懷菹鱸
會面安可期守志終不渝
倚門跂予望搔首獨踟躕
思君鬢髮蒼日月忽云徂
去去勿復道珍重千金軀
置酒迎風閣冠佩皆豪英
金鬘汎羽卮銀甲理秦箏
鐙輝吐華幔燦若朝霞呈
人生飄萍梗明日非復今
娛樂當及時無懷坎壈心

狂飈倏紛舉蔽我百尺樓
綺疏扃天際朱華耀九州
仙

石泐詩鈔

卷一

二

娥何綽約倩盼鼓簧喉
馥馥吹蕙若其氣清且幽
顧憐傾城色嗚咽發深愁
仰視渺無見佇立中心憂
願結鴻鵠侶振翮蓬萊洲

采采夫容花宗宗川上道
褰裳涉秋江華顏委蓬葆
欲以貽所思幽風在懷抱
躑躅再三歎擷芳苦不蚤

連連秋至期迢迢銀河渡
明星朗夜光纖雲振紈素
今夕誠何夕情懷慘莫訴
漢波凝不流誰橋駕中路
一年一相逢宵輪曷暫駐
盈盈駢珠忍別莫回顧
驅車出東城言攬青絲轡
朔風寒以栗稷雪揚沙地
春

令枝上鳴鴻飛遠莫致慨慷亦奚爲將毋形骸累西南
有美人娟娟華容媚羅裳疊秋雲明璫飾羽翠靜坐理
霓裳深情別有寄衷衷出戶閒傾聽結遐思願爲雙死
央茵蒼相偃睡

團圓生明月皎皎當牕牖衡漢互流光繁霜彫垂柳客
遊厭苦辛對此一飲酒振衣出衷衷咨嗟良獨久零落
天一涯懷歸畏朋友

雪夜

瓦罇珠跳入無端響研冰短吟雙衰手寒坐一挑鐙酒
石汭詩鈔

卷一

三

盡沾難得更長睡未曾漸聞飛絮急徹夜撲牕棧

途中驟雨

忽覺天臨莫雲昏雨驟時羣峰當晝隱獨樹障谿危逐
浪魚偏急投林鳥更遲跨驢驚乍瘳徧體溼淋漓

八郡城

柳邊竹外幾停驂水複山環路舊諳童婦茶筐攜社雨
老巫泥鼓賽春蠶城隈傑閣參差樹石底清流遠近潭
百里崙峰青到眼八愚幽勝試重探

夢覺

二月江城漠漠寒中宵展轉客衾單隣雞嗥靜雨風惡
宿酒醒初鐙火闌萬事祇同春夢覺幾人真識睡鄉安
未完花事關心甚猶卷湘簾秉燭看

一夜遊芝山

中庭花艸幽月色偕人至秋光縱清絜畢遜春光媚牀
頭賸餘醪開尊對月飲引坐出新詩勅廚得佳品座中
誰豪叫芝山月更好城隅路不遙幽奇足探討命僮收
狼藉攜柑作前導一路酒香熏聞之驚欲倒把臂旋旋
行危石轟轟城微風徹耳寒春鼃千萬聲古樹如人立
石泐詩鈔 卷一 四

夜登鎮永樓

雙江浮白萬山蒼百尺樓陰俯女牆春月不殊秋月好
閒遊翻爲夜遊忙禪房曲曲叢花靜廢羽絳絳宿艸荒
一領輕衫寒不覺亂鼃隨客度漁梁

林泉癖嗜約吾曹日日登臨不計勞石磴危懸藤影瘦
山風曲助樹聲豪偶聞梵語尋僧舍欲揀花枝辟鳥巢
孤負良宵應共惜未曾沽酒更無肴

鈿鈿潭

鈿鈿潭邊路谿流百折通
馱詩驢背上坐客鳥聲中
澗樹環新翠山風瘞落紅
畱春春不任惆悵意何窮

書畫應酬頗繁戲成二律

客裏朝朝辦積逋米家船舫顧家廚
人爭手上金鍼度
臣慣胷中粉本無豈有名書兼法畫
可憐西抹復東塗
一千年後知誰在過眼煙雲且自娛

醉倒張顛酒百盃一時豪興固恢恢
書空莫幻紅韉夢
擲地偏憐素韞材絹好描成松石影
扇誰持自戴山來
幾多塵事都應掃休更羊鵝潤筆猜

石泐詩鈔

卷一

五

大兵勦平回逆凱旋有日喜賦

赫赫雷霆怒氣揚崇班攬旆下戎場
金饒大合飛黃隊
玉弩橫捎太白芒萬馬臨邊嘶夜月
千牛護衛慘秋霜
卽看盪洗妖氛淨度險先書捷勝岡

出芝城遇雨

舊友惜新別送我出城際日朗天气佳
雲山堆羸髻
蒨蒨野田花春餘猶逞麗朔風一陣來
獵獵卷襟袂
塢塢薄天飛吟眸全昏翳輕復如盪舟
輿人雙腳繫蹙蹙就

叢林山家暫投憩
蒹欄鐵玉聲
頃刻千萬計
仰視天如墨
雷霆走精銳

零陵道中

萬繞千環路披煙
入翠微危峰迎面到
倦鳥背人飛出
水秧鍼嫩連畦
麥穗肥農家春雨足
蓑笠隴頭歸

了髻嶺

百三盤嶂嶂七十二
簇夫容雄似天山聳
靈應地脈鍾迎
眸諸嶂合當頂
片雲濃雨意和春鳥
風濤怒古松輕篔
羣翠搗斷峽晚青
封徧歷林陰邃
還探洞壑重銀砂鋪

石坊詩鈔

卷一

六

細細山篔落落溶溶客
屐何須借奚囊到處從
亭分長短路駟靜舊
新烽寺壁寒藤挂僧厨
野菜供晨煙當戶織
午確宋谿春迤邐欹橋
石清冷淡霧淞近隣梯
石嶺遠眺洛陽峰此境
高無敵畸人何處逢
摘星思振袂羅宿待捫
胷地僻除苛虎巖深
伏臥龍晴雷喧硤磴
瀑雪響琤琮碑掃苔
紋碎茵鋪艸色茸夕
陽雅影散平阪馬蹏
鬆俯仰情何極登臨
意漸慵無才滯羈旅
天地一浮蹤

和家鵠臣前輩落花詩步韻四首

料峭春風送雨絲
滌殘鉛粉澹燕支
玄都觀裏成虛夢

金谷樓前住少時，舊恨判歸紅一筭。香魂爭妬綠千枝，
花開花謝，渾閒事無那尋芳杜牧之。

檢點殘英，八翳燒春風。春雨可憐條六街，玉輦腸應斷。
幾兩鈿車恨未銷，惜豔有詞傳靜婉。舞香無曲度妖嬈，
綠波碧艸，同恹恹南浦，何人駐畫橈。

紅闌干外，曲江頭，一別穠華兩地愁。顧影乍辭王母宴，
解言空憶杜娘秋。知無世界，畱香在賸，有文章逐水流。
刻意傷春成底事，玉壺斟滿碧醪浮。

霏煙漠漠，艸萋萋半似顛狂，半似迷三月。雨酣蝴蝶醉，
石坊詩鈔 卷一 七
五更風緊，鷓鴣嗁燕銜碎。玉紅侵紫，馬踏香塵，碧蔟踈
屈指番風消息到，芳菲重映石闌西。

逍遙巖

玉筍森無數，沿谿得得看樹陰。張似幄巖翠，蔟成團踏
石雙鞦冷聽泉。六月寒逍遙，吾未得偶爾歇征鞦。

東谿寺

寺隱雲深處，穿雲叩寺扉。鐘聲來梵偈，苔色上僧衣。小
坐情俱澹，遙吟興欲飛。紫嵐山在望，九點認依稀。

門外有紫

嵐山
題額

艸塘

客路行貪蚤天邊挂月痕
遠雲初作障流水自成郵
桃浪紅侵塢秧鍼綠到門
萋萋芳艸地莫苦憶王孫

漢春陵侯墓

距墓里許爲春陵故城

鬱鬱復蒼蒼南陽執自雄
中原多王氣故國憶侯封
地脈憐卑溼天潢別派宗
蕪城餘墓碣流水聽谿春

春谿有東

春西春二派

題王石谷

暈

萬里長江圖

尤工遠執古莫比咫尺應須論
萬里王宰真跡久渺茫

石訪詩鈔

卷一

八

王暈有此奇山水世閒山水有何奇
千環萬繞長若斯
樵童漁叟徃復還身在奇中不自知
奇人下筆驚風雨
神嗔鬼泣蛟龍舞
休論十日五日功
萬里雲煙憑拾取
雲煙縹渺接層巔
朱樓華閣相飛連
江心浪涌高三尺
祇見風颿不見船
船颿急駛去如風
越舫吳舳爭兀雄
汪洋澎湃四無際
似聞海浪聲洶洶
嗟乎天下之奇奇
至此一幅生綃不盈咫
放筆直掃五嶽雲
洗筆更倒三峽水

香雪山房四詠

名園丈餘地名花千萬枝餘霞散綺羅仿佛近似之造
化本無心各各呈妍奇上爲雲霞容下爲桃李姿霞散
無還意花開有落時攜酒花下醉流霞欣滿卮醒來何
所見蝴蝶飛階墀

花圃蒸霞

春來幾日晴曩曩隄邊柳雪絮薄天飛入我盃中酒在
今別離情攀折不離手征塗去此遙垂蔭能久舞鬢
拂畫筵淺黛窺疏牖長歌歸去來吾樂柴桑窈

柳隍晴

絮

天气清且佳四山濃欲滴排闥送遠青艸堂午宗宗畫

石汭詩鈔

卷一

九

手妙荆關爲補葺齋壁森森萬木中樵逕何處覓一雨
失前屏晚牕雲濛濛

山屏送青

瀏瀏池中魚輕輕池底梭微風來水面織成綺與羅層
紋曳苕帶圓景舒新荷喁喁復喁喁樂意當如何仰視
織女星迢迢隔天河

魚梭織水

題畫

紅樹青山八遠秋環邨谿水碧如油畫中人解尋詩否
欲過橋西問酒樓

苦雨

一雨連綿十日陰轉因甘澍作愁霖何妨有用畱涓滴
爲慰炎天望澤心

訪友山居

到門山盡一坡平繞竹穿林得得行滿地白雲關不住
石泉流出讀書聲

白紵詞

佳人眼媚秋橫波纖纖玉筍春態和含嬌低倡綠珠歌
香風撲鼻麝微醺柳肢尖彈行婆娑紅裙羅靴輕塵多
欲往從之道且頗迢迢凝望仙娥河

石汭詩鈔

卷一

十

儼別

一帚多情泪臨風灑路歧浮雲遊子跡明月美人思極
浦颿飛渺遙鄉夢到遲漫勞金鏡卜花發是歸期

楚踰謠

笑殺東京百戲休寶津花馬擲紅毬金縷玉鑿風流地
祇賸人閒月作樓

沔陽婦

沔陽婦年十七霜雪容顏冰玉質有兒在牀夫在室生
計年年種梁秫神蛟忽起荆南山雲濤雨浪爭拂汨東

桴暫免河伯戾葢菲已逐江流夫病兒亦羸偷生恐
難必飢驅作遠遊三口顛連出朝栖古佛祠莫止荒墟
駟飼夫兼餌兒蓬垢何暇櫛一朝兒病劇夫病夫病安
能拯兒疾雨淒淒風瑟瑟西巖風雨中子卒夫亦卒寡
鵠失其雛哀雁傷其匹夫屍枕手兒加膝回首鄉關泪
交溢一錢兩錢沿郵乞薄薄櫛棺願羸畢歸來巖下栖
裳衽鍼縫密一日再日飢不食道旁年少無敢詰三從
旣無虧一死寧皇恤湘之水兮清漣湘之山兮崔萃水
清漣兮上有茝蘭山崔萃兮中有燕萼茝蘭燕萼交芬
馨萬古丹心耀天日君不見大書深刻湘東筆沔陽貞
婦年十七

石汭詩鈔

卷一

十一

石汭詩鈔卷第一終

石泐詩鈔卷第二 蘇雨聲中 蕭蕭水對蕭蕭少

寧遠楊澤闡

星垣集

戊子

一雨乙酉落解後戊秋再應省試寓長沙三月塗次二

十餘日贈畲題詠之作少可存者錄數十首以見

其大略為星垣集坐與賦工詩具風對喜文

入春來春間讀書濂社初植蕉竹比還郡時已青翠交

加矣

竹清千个雨蕉響一牕風去後情堪憶重來景不同履

石泐詩鈔

卷二

一

衫都帶潤惹蓓欲掀空待覓披吟處依稀萬綠中

曉發

八夜未覺熱熟眠閉船扉艫聲醒鄉夢一颿轉楚磯沿

岸飛白鳥隔林煙火微坐與施工語晨風侵葛衣

冷水灘

一雨助寒灘客舟行復難獨閒聊倚枕危急且停餐幽

樹鳥爭語晚天霞欲殘人家樓住好坐處把漁竿

祁陽舟中

晚煙漠漠一江寒細雨聲中節節灘湘水淺清魚隊少

短篷斜拂釣絲乾

雨泊釣灣飲江上人家
把釣人何處青苔沒釣灣水聲知有石雲執欲無山籬
竹沿谿插園蔬帶雨刪邨醪供客醉聊共白漚閒

重過浯谿

一徑斜通萬木陰三吾臺榭競崎嶇重來此地詩偏少
未八幽林境已深鏡石無光苔接壘谿流暗轉竹蕭森
不須更到磨厓上湘岸征颿落照侵

紅石潭

石泐詩鈔

卷二

二

舟轉楚山裏颿收湘岸東晚雲千樹綠落日半江紅客
思曠無際寒尊誰與同蛟龍應睡著潭靜起微風

柏坊

望裏西峰迴駿驥落照銜梳高多礙樹船小不勝颿空
翠浮輕浪幽香搯碧岳覆苓如可得吾欲荷長鏡

岸旁

香山多產苓桂之屬

抵衡州

晚風急下一颿輕迢遞湘流路幾程沿岸烏雅飛不定
紛紛祇聽補船聲

晚泊閒步

月色溶溶落星光沸沸齊疏籬
邛犬吠古樹廟烏噓雨
過沙猶溼潮來岸覺低
酒帘高挂處叢莽自成溪

桑門灘

路入桑門險清流曲曲灘
鶯花三月莫煙雨一江寒
船緩看山得風多上水難
漁叢吾蚤辦單舸五湖寬

大兵平定回逆以去年除夕生禽首惡復喀什

噶爾葉爾羌英吉沙爾和闐等回城喜賦

皇州佳氣接星奎壯士謹呼捷勝齊
塞北旂旂靜鉦鼓

石坊詩鈔

卷二

三

關西煙雨八封提龍文鼎勒書功
筆鷹武威揚奏凱聲
有道 聖人端拱治頸延今已徧者倪

水陸洲

十里沙洲遠蒼茫兩度谿波光爭樹
碧嶽執壓樓低漚
散江心雨人衝渡口泥晚風颿正飽
幾幅挂東西

萬壽寺

半看山色半尋僧臺榭逶迤上幾層
選石每隨谿路轉
敲門唯聽鳥聲磨六朝松老餘蒼蔭
一徑雲深繞碧藤
容易新吟忘隔夜寫詩先借佛前鐙

夜偕友人登嶽萊最高處和樊玉珊

運輝韻

到頭山盡一峰孤，繞石穿林路更迂。
冷翠著衣秋滿壑，涼天如水客飛盂。
鐘聲隱約雲多少，星影參差月有無。
萬樹霜楓紅未好，何時連袂酒重酤。

雨後登拱極樓

百尺江樓迥蒼茫，兩岸分翠搖千樹。
雨白送幾颿雲晚，渡人聲雜狂遊客。
路紛酒酣吟興歇，梵響月中聞長沙。
多勝跡此地未曾經，野水尋新渡斜陽下。
遠亭道鄉憐宦謫，湘女託仙靈。一醉成千古，浮生感聚萍。

石泐詩鈔

卷二

四

嶽遊雜詠

寒山萬木繞禪樓，落葉聲乾幾屐秋。
欲訪雨花臺上雀，行雲流水共悠悠。

樹根盤作小谿橋，澗水潺湲去路遙。
笑語忽聞蒼翠裏，青峰峽口莫歸樵。

禪關巖巖俯江皋，幾度登臨意氣豪。
綠蔭蚤稀紅葉減，一樓煙雨八秋高。

山田夜息水車鳴，一路鼃聲送客行。
贏得稻花香滿袞，帶將秋氣入江城。

謁三閭大夫祠

山陰落日泉聲咽叢篁夾澗幽
徯別候蟲嘈啣狻狷悲
西風刮面寒欲裂三閭祠宇數楹存
藤蘿挂壁苔封碣
往時風雨讀離騷忠孝心腸千萬結
二千四百九十言
聲聲滴盡心頭血長沙古號羈愁鄉
才人遷謫同一轍
道鄉臺鄒浩接太傅祠賈誼
山鬼比隣塵境絕門前檜柏鬱
蒼蒼歲晚蘅蘭薦芳潔我來弔古發幽思
瓦屋高寒秋
有雪夜深猶作不平鳴萬木蕭穆響金鐵

賈太傅故宅

石泐詩鈔

卷二

五

雒陽年少失公卿不盡長沙宦謫情
太傅井餘苔蘚碧
汨羅江映菖蘭清一生知己推吳守
千載風騷繼屈平
宣室倘塵前席問鬼神道豈隔蒼生

月出

銀河影已澹碎星光漸濛祗道天欲曙
回頭月在東

得雨

得雨固不難頃刻積行潦瓦屋氣如煙
蒸騰繞重椽欣
欣木向榮風力掀欲倒蟬鳴宛轉枝魚戲
參差藻日莫
倚門涼江波升浮船登城看雲腳遙識故鄉好
鼓角市

井喧競報龍湫禱

醴陵坡謁蔡忠烈公祠墓

殺身殉國代有幾異地傳聞猶仰止況官斯土葬斯鄉
祠宇皇皇近尺咫醴陵坡下阡縱橫松檜蒼蒼沙水清
巍然獨表蔡忠烈推官攝守長沙城長沙城中十萬戶
忠烈惠政除苛虎獻賊蹂躪毒荆襄絡繹軍書正旁午
白晝少年賊所聞招降說和紛云云登陴仰笑氣慷慨
誓將一鼓清塵氛藩王逃撫軍遁豺狼當道尤堪恨空
畱一城與一官一官坐見孤城困報君難報親殺官莫
石沔詩鈔 卷二 六

殺民一腔忠愛兩言盡天教賊手成公仁嗟乎有明養
士三百年後先殉國多英賢公年最少才最大死尤最
慘天胡然君不見李忠節蔡忠烈兩人節烈耿孤忠地
老天荒精不滅

月夜過晏筠塘

啟鳳聽琴

我有一張琴龜紋露縱橫長年壁上懸欲彈不成聲伯
牙旣云遙鍾期不復遇儼學陶泉明但解此中趣秋高
一輪月隣屋清響發一彈三四彈裊餘音歇君是有
心人我非知音客振衣叩名姓何必曾相識君年三十

餘淪落數千里

近歲僑寓嶺南

負才非其時顧曲聊傳指借此

泠泠音寫君渺渺心予懷亦渺渺欲學短長吟高山流

水空索寥世人誰解爨下焦若有人兮在玉霄乘鸞駕

霍吹文簫泮水遭逢無定局清徽甫奏驪歌續

時余歸期已迫

筠塘亦將有嶺南之行

他日重逢定何地與君同詠霓裳曲

寓城南寺雜句三首

小任清涼國翛然遠市闌罵蟲憐僕拙揮塵對僧閒乞

畫家家扇看雲處處山願尋蝴蝶夢排日醉花閒

兀兀醉初醒開牕對嶽屏風皺潭水綠雲斷峽峰青煮

石泐詩鈔

卷二

七

石開丹竈烹泉漱碧瓶南華多妙諦吾欲補莊經

雨後秋先到危樓試一登待風常近竹愛月蚤吹鐙倚

籬人誰和談碁客尚能水鄉殘暑退涼味擘鮮菱

歸興

客子光陰過眼花秋來情緒倍思家滿城月色淒樓籬

五夜風聲八塞笳豈爲詩心戀泉石偶聞僕語憶桑麻

浪遊年少知多少莫遣霜華兩鬢加

曉發

城市不耐居舟行覺心爽曙霞天半紅萬里清秋朗推

蓬望衡萊歷歷憶遊賞漁人浪棹還意欲隨之往

霞流駟

朝發十里灘莫宿霞流駟柝聲徹夜寒舟人各安息獨
起坐船頭延頸長望北曾聞五月閒已免干戈役

泊舟二首

一篙船近岸幾幅布颿收檣燕栖偏穩江波空自流淺
灘沈敗艇危石俯層樓漁家應近黃昏下釣鉤
泊舟煙樹裏隔斷水雲橫遠岸蘆花白前汀月色明江
風吹不盡楓葉下無聲何處商音發涼筇動古城

石汭詩鈔

卷二

八

泊昭山下相傳楚昭王南征不復處

日莫湖湘闊歸舟第幾程萬峰青一雨兩岸碧初晴緩
步尋郵路新沽識酒名昭山閒倚望辛苦憶南征

夜泛

遠澈明漁火前谿尚夕陽響長灘石怒歸晚釣舟忙天
色青連水沙痕白帶霜啞啞柔艣裏鄉夢劇淒涼

雷市

不盡登臨感長江落木秋船依孤嶼泊颿帶夕陽收人
宗谿鐘近林深戍火幽漫嫌郵釀薄小醉亦澆愁

耒陽杜工部墓四首

遊子方迢遞煙蕪江上邨爲傷杜陵老一酌旅亭尊溝
壑牢騷志兵戈慷慨論楓青關塞黑翦紙待招魂
衡嶽嗁猿裏衣冠葬異鄉人生有窮達萬古此文章風
雪詩人骨雲霞客子腸七歌悲斫地搔首問穹蒼
落葉驚風雨蒼梧雲影愁苦心容螻蝻壯氣喪驍驪橘
柏秋垂病江湖老自休墓門空莽蒼薄莫起漁謳
三尺風塵劔荒涼楚客悲白醪憐獨醉紅豆鬱相思萍
梗功名薄蓬萊歲月遲些辭招不得投寄汨羅詩

石澇詩鈔

卷二

九

石鼓山歌

天風倒吹江水碧水連天一萬尺神蛟怒舞波濤飛
鼓聲雷動江干石十里五里灘千重萬重山左帶蒸水
右襟湘紛然交注於其閒我從潭州過耒口風濤袞袞
連颿走舫樓遠見雁回峰一髮青蒼落吾手艸橋門外
合江亭衡陽雲樹朝冥冥輪囷石鼓知何在但見飛薨
畫閣面面開牕櫺牕櫺曲曲天半開講堂時有雀羣來
便欲乘風跨雀遠上衡嶽頂坐視三湘之水東流到海
直徧瀛洲方丈八蓬萊

綠淨閣

江天一閣高崔巍，兩水回環山四圍。不用登臨到岫巘，已看咳唾生珠璣。平沙涼月照漚夢，八檻好風吹客衣。仙雀夜歸何處宿，武昌遙對黃鵠磯。

途中雜詠

年少那知苦征途，西復東經霜嘗晚。稻聽雨入秋蓬，魚賤正宜客山多。不礙風離家才數月，歸興已怱怱。幾日秋江雨中流，失怒灘隣船呼漏。急古駟奏笳寒灣，複防風亂山窮。覺岸寬倪迂，新畫本面面卷簾看。

石涉詩鈔

卷二

十

維舟一沽酒，山市幾人家。雲重夜無月，江空曙有霞。濤頭洶岸石，舳尾界灣沙。秋晚多歸客，時聞聲軋雅。萬頃凌風去，蒼茫水拍天。烏喧洲寺樹，雨暗舳樓煙。泛宅終年計，江程一飢便。歸裝無長物，書畫米家船。蘆荻動蕭瑟，潭波百尺深。酸風淒客夢，涼月澹歸心。沙雁靜無語，艸蛩時一吟。凭牕雙袞薄，已覺蚤寒侵。故土山川色，蒼茫入夢中。馬嘶千里月，雞唱五更風。老僕商歸路，浮蹤別釣篷。睡鄉多蚤別，初日旅牕紅。百尺危巒底，寒煙罩石城。賽神搗蚤鼓，插竹記盟旂。夜

雨長菘薤初霜熟柚橙客程愁幾日屈指盼秋晴
清絕衡陽境青青嶺數堆谿聲隨客盡樵侶逐雲來斷
塢低平樹山田半覆苔雨餘農事足郵路出新煤

到家

我生是男子本具四方志親在戒遠遊能無故園思光
陰過隙駒萍梗身如寄決意欲還家旬餘忽已至征途
不暇詳但覺風景異朔風吹更急塢埽揚沙地

亂木矗平原翠屏開層巒寒煙起還滅家園不復辨忽
逢故鄉人荷鋤來林阪停輿前致詞情促語頗短家况

石泐詩鈔

卷二

十一

近何如鄉田或無損鄉人久不見數言情懇懇嗟我遠
遊人一笑愁容展輿夫再三詢前途還幾轉遙指林巒
閒頓釋雙足繭

老屋峙谿灣清幽絕人迹褰裳不他顧將歸情更迫小
犬掉尾來狺狺吠繁劇兒童驚走辟嬉具全拋擲家人
呼僮出門前伺迎客久別若不識熟視急入白阿翁扶
筇來一笑舒眉額

登堂拜阿孃孃意喜且悲悲兒年少小征路不知疲阿
父宦北都迢迢天一涯姑妯喜康健起居能自持我生

僅汝一長年客途羈兒去復半載兒歸知幾時涔涔幾
日雨念兒心更癡呼婢調羹飯慰兒腹中飢

橐橐屐履喧犬聲吠不輟親朋三五集長揖慰久別呼
僮滌花瓷初歸茗飲缺促坐詢他鄉繼起敘寒熱子倦
頗厭煩難爲從頭說客意亦諒子振衣去相送門前秋
氣深水落谿聲咽

屏煩身頗閒力倦八書室啟局檢芸核狼藉丹黃筆硯
凹宿墨多池水乾如漆韋絕獺祭叢紙敗魚鱗帙且視
後園樹絜絜柵有實拂拂桂藥新鬱鬱槐陰密呼僮問
石泐詩鈔 卷二 三
菊花秋意何蕭瑟僮言雨露稀不辟風與日自從主人
出花信亦每失

粲粲銀燭花對婦坐簾幕情長語轉涩問婦身何削道
郎去半年妾顏粧靚薄功名妾所願他鄉能無寞郎心
亦太寬郎體亦素弱相郎無病容轉詢遠遊樂始聞笑
婦癡繼覺婦言謔試看歸途裝雨溼透衾角

石泐詩鈔卷第二終

石沔詩鈔卷第三

寧遠楊澤闈

天光雲影齋集

戊子

戊秋自省垣歸讀書天光雲影齋中明年春一客
春陵一客永陽夏初辟暑山居積所得百餘首編
爲二卷天光雲影齋者在蓮籜之北偏其東小池
廣數百步架屋其上翼以軒牕舊曰望瀛軒而易
之以今名

蚤起

石沔詩鈔

卷三

一

關關櫛鳥爭鳴滿院秋光欲曙昨宵雨打芭蕉聲在小
園深處

題桃花扇傳奇

羈魂鄉夢兩漫漫白下雲閒復社壇萬樹梅花風雪裏
莫愁湖畔怯春寒

書劍飄零遠故鄉天涯煙艸斷人腸六朝風景渾如昨
一帶笙歌舞綠楊

枉送纏頭數百金釵荆布布美人心卻匱猶說香名在
金粉飄殘泪滿襟

幾曲冰綃抵萬金新書遙寄泪淫淫桃根桃葉無人問
珍重劉郎一片心

從來買禍是文章才子佳人枉斷腸苦海回頭都是岸
桃花扇底笑拈香

優孟場中試一登興亡離合事堪憑漁樵脂粉英雄恨
賸水殘山十五陵

無花果 一名優曇鉢

世人種樹先問花千紅萬紫供拈掇吟眸坐遭俗豔昏
塵羈那許凡骨脫何來佳果生無花別名喜舉優曇鉢

石汭詩鈔

卷三

二

憶昔鉏藥過南澗閒曳枕椰尋葦撥葉肥枝大根屈蟠
丹實纛纛香馥馥英華內斂識者稀仙卉徒憐艸閒活
長鑱荷歸葉壓肩栽伴雲腴高截薛漑種得泉常在山
培根揀土聊盈撮化身欲使千萬億澗底紛紛露芽蘖
三年蔭滿綠參差迎風執擬排松栝梨宗百果顏欲羞
橘奴千頭氣先奪生青熟紫歲有秋蠡房曲曲蜜爭割
休論酒美與茶甘聞香已解相如渴偷桃撲棗任比隣
勿翦勿伐思所菱倘許花開五百年 此果五百年一開花我當進

餌丹砂末

九日

漫夸賦手例登高莫把詩篇更擬陶送酒無人聊自醉
對花有我便能豪碧牕見月雨初過紅葉滿山風怒號
不解罽中緣底事秋來祇愛讀離騷

園菊被蟲治之復活重陽尚未有花

多晴天气未全宜病藥闌珊欲放遲自有晚香能耐久
極知傲骨本難醫閒思買醉愁無伴除卻登高更少詩
冒雪倘同梅萼破好聯松竹訂新知

白菊

石汭詩鈔

卷三

三

秋風不我憐蘭蕙賤於艸不如故園菊幽芳獨懷抱同
霑雨露春秋老未云老森然白玉姿氣挹金商顛羞撩
蠡蝶飛如出冰雪澡澹泊神愈完明哲身自保落英夕
可餐荒徑朝頻掃不逢屈與陶芳顏委蓬葆

訊友人病

銀河一綫互牕棧爛漫詩篇興尚稔宿病乍先秋信至
新愁轉爲故人增琴牀才壓過籬菊茶竈多摧蓋瓦藤
何日清風重八座宵深潑墨對挑鐙

得得

經年廢路石全欹，得得尋詩過短籬。
才綠麥秧分雨穀，未紅楓葉得霜遲。
鳥衝細浪還孤嶼，客立斜陽看古碑。
策蹇歸來天欲暝，比隣遙認野煙炊。

小疑嶽石

石高三尺許，空靈秀削九峰宛。
然得自紫霞洞

中

我聞九疑山連蜷，千餘里頻年沮遠。
涉勝景空翹企，偶步八湫園凭闌。
一延視人巧奪天工，雲山近盈咫。面面
肆雕鏤，曲曲施剗削。壘嶂鑿嶙嶙，復灣削迤迤。
嗟峨五石坊詩鈔

卷三

四

臣峰駢肩復攢指，石樓與石城一見參差。
是名園花木繁點綴，雜仙蕩澗蒲九節香。
巖松千丈倚龍谿，新漲來迢迢。一泓水循澄，濬深池澄碧。
挹自彼，秋晚增瘳奇。雨餘生寒泚，夕陽下庭除。
渾訝巖霞紫

偶成

門前山如屏，遮斷夕陽影。樵歸戶未開，鳥嘯煙欲靜。

山邨卽事

松徑竹當門，蕭然幾姓邨。
亂畫喧澗曲，一犬護籬根。
掠水禽將子，抽秧稻有孫。
山樓開晚霽，秫釀共攜尊。

秋信來何蚤空山感歲華難留將去燕閒數未開花疏
竹延新月停琴看落霞隣郵炊飯熟一半綠煙遮

舟行沮風

來颿葉葉下飛深上水遄迤路不通爭似若邪谿畔好
朝南莫北鄭公風

食蔗二首

萬葉掀空掃莫煙雪刀砍玉綠牕前甘香漫入牙根冷
恨不相逢六月天

甜雪甘霜酒後宜江南風味有誰知枝枝節節勻香潑

石泐詩鈔

卷三

五

佳境當詢顧愷之

病中夜起

街頭更鼓夜遲遲冷榻寒牕夢醒時涼月照人心似鐵
暗風吹我鬢如絲伏梁飢鼠窺空桉繞樹祥烏揀好枝
最是秋砧聽不得蕭條景況病中知

讀唐諸家詩各題一絕

誰解佳人錦瑟篇才名坎壈竟終年嬌兒美秀無倫比
是否前生白樂天

李商隱

長爪生稱協律郎雲韶樂府古詞章荷衣賦就高軒過

藉甚聲華壓兩唐

李賀

河南大尹頭如雪樂府新傳五十篇那禁悲風吹蔓艸
年年碧海恨無邊

白居易

離別秋風折桂枝年經三十竟何爲誰云新語無人覺

皎皎清商白紵詞

張籍

短衣長戟憶從軍處處槍城鼓角紛一百宮詞南渡後

幾多遺事未曾聞

王建

鉤章棘句墓銘韓五十年來一第難白髮嵩山成小隱
傳聞高處不勝寒

孟郊

石汭詩鈔

卷三

六

巧綸利刃總成空隴畝青山計未窮慷慨報恩長劔字

雲臺寶馬羽林宮

鮑溶

爽亮清芬秘監詩未緣貧苦廢吟思可憐李白墳前土

寄語宣州憑弔時

姚合

二十六章懷袞深憑將姓字寄知音分明記得文昌句

一曲淩歌抵萬金

朱慶餘

名震天平艸薦時建安風格竟窺奇雕蟲苦激東歸志

一卷丹陽隱舍詩

張祐

落魄江湖花柳場雲簫月瑄費平章不羈才似行空馬

縱學風流也不妨

杜牧

奇才咄咄許丹陽不盡明珠十斛量姑熟秋風貧病吏

青雲有學燕窺梁

許渾

一段文思綺且妍八叉賦就豔金荃柯亭焦尾難知己

孔吹絲彈亦偶然

溫庭筠

歌碧楚天楊柳洲江山雲物興悠悠司勳的是知音者

說徧長安趙倚樓

趙嘏

白雀高飛不逐羣

李羣玉

玉句 芻懷豪曠詎虛云楓江蘭浦今

蕭瑟腸斷瀟湘萬里雲

李羣玉

石汭詩鈔

卷三

七

自題古木暝禽圖

茱欄雨絕湘簾暝破壁風來輕塵凝顛毫醉墨飄若仙
一幅生綃開艷艷巒壑受煙深幾重模餽不辨九折磴
古木蕭條四五株狂葉敗颺樵風徑一雀飛來栖初定
一雀橫空下危磴復有兩雀相顧飛啾啾嘈嘈若呼應
後來一雀最輕矯迅集枝頭寒露脛緊余學畫幾三年
竭來偶動臨池興蒼茫野色聊自娛題詩更補絹頭贖

客至

落盡蕭蕭葉園林靜晚風寒苔依水碧殘菊得霜紅問

字人初到停琴韻欲終畱饋無長物廚竈孰菠菘

懷晏筠塘

秋颿百尺挂湘濔南北風高判客襟失意悵成金谷別
壯心拚付玉壺吟十年舊雨依蓮幕一座春風拭柳琴
記得論詩過夜半佛龕鐙火月光侵

雪意

連日同雲鎖不開璫花先已釀胚胎凍黏水色重重合
寒逐風威陣陣來冷韻細敲江上竹暗香濃孕隴頭梅
遊心未許夸高臥驢背詩情幾度催

石泐詩鈔

卷三

八

枝上寒烏噤不喧晚鐙初上月黃昏飛花儼作盤旋執
潑墨先成淺澹痕牕紙透風聲欲裂泥鑪撥火酒重溫
卻愁夜枕虛清賞待雪時時倚竹門

寒宵

背壁鐙挑一穗紅迢迢夢盡漏聲中小欄雨驟寒疑雪
古木枝疏冷透風捉鼻鈔書還耐坐聳肩吟句苦求工
銷金帳裏羊羔酒學士家風未許同

雪

冷氣夜來覺好花天上多開簾看似月對酒醉當歌便

凝覓詩去其如風峭何寒梅依野雀清夢八吟窩

遠憶

眼中山突兀一夕白如銀遠憶谿南路梅花次第春

梅

窄窄漁舟短短篷橋邊小泊雪兼風梅花似也炎涼甚
開向山家澹不紅

石泐詩鈔

卷三

九

開向山家澹不紅

窄窄漁舟短短篷橋邊小泊雪兼風梅花似也炎涼甚

梅

窄窄漁舟短短篷橋邊小泊雪兼風梅花似也炎涼甚

梅

石泐詩鈔卷第三終

石汭詩鈔卷第四

寧遠楊澤闓

天光雲影齋集

巳丑

宴客山房卽席口占

漠漠春風客座寒
花枝撩亂壓紅欄
候門穉子踟躕刺
同里先生苜蓿餐
樂興彊人多飲易
娛賓憶我幼時難
醉餘酣戰夸真率
相過休嫌笑語乾

枕上偶成

春宵夢醒帶微醒
紙帳梅花倍有情
燈盡五更來月色
雨酣一夜失泉聲
壁閒畫古微茫辨
竹裏牕多次第明
幾度簾鉤驚細響
紅闌干外燕飛輕

哭三弟詩

人情重手足急難傷
同仇嗟余年十六尚懷司馬愛
仲璠丙戌生墳簾願頗酬
汝亦生丁亥三楊共比伴
寧馨實相敵崢嶸已駢頭
喜汝少恬靜咿啞寡所求
羣兒或撲弄一笑勿復讎
詎知客歲冬瘡痂結噎嘔
春來鬱彫瘵面腳形臃腫
脣焦舌以敝呼吸氣咻咻
劬勞大父母百藥試已周
良醫遠延致口吮復手揉
冀汝膏肓去沈

痾或少瘳嗟嗟汝命薄歲月將再週阿兄雖憐汝兄懷
不曾投煦煦清明天掃祭登先丘歸來急入室哭聲雜
喧囂撫摩冷竟體矐矐瞪雙眸我生眞不辰臂斷亦奚
尤新墳高三尺爲汝掩髑髏紙錢薄莫飛忍聽聲啾啾

石梯嶺

路指層梯峻人疑絕壁攀樹根牢似石雲氣重於山大
野迷茫際危亭突兀閒峰靄聊駐足未許客心閒

分水嶺

界斷東西道霏微起莫寒水聲菲際伏雲影樹頭攢雜

石汭詩鈔

卷四

二

犬人家靜煙霞客興闌嶺頭千尺白記是去年看

了髻嶺

慷慨雄心起崎嶇客路遙龍泉噴石穴鳥道鑿山靄風
勁鳴衰艸雲深隱斷橋鐘聲何處發詩興忽飄飄

金牛嶺

雨勢連朝促蒼茫此地經縈縈層石紫戢戢穉楸青颿
影渺峰腳嵐煙下岸亭酒郵花繞屋聊共客舟停

愚谿晚眺

湘波淼淼楚天清橋上看看沙上行古樹斜陽人欲渡

江風吹起喚船聲

鮑蘭舟

友智

總戎邀遊夫容館觀所刻蘭石

夫容院落本清寒窄窄紅橋亞碧闌牕竹有聲風後聽

池花無力雨中看千秋俎豆人猶在

湖上祠范張二公

一枕邯鄲

鄲夢欲殘

閣奉呂仙

小隊元戎多雅興不禁春思滿幽蘭

憶園中牡丹

小盆嫩葉綻紅胎曾向花神揖別來客館驚聽春去了

鳥名兩年不見牡丹開

雨後得月夜登芝山觀湘漲

石汭詩鈔

卷四

三

湘執南來壯蘆洲失舊灣去雷船舫雜彈倡市樓閒月

色遙爭水煙痕欲上山禪林多雅伴沿路叩松關

途中偶成

板橋石路短長亭作客年年此地經邨雨織煙千縷碧

山風掃瘴萬重青春泉春鳥雜幽響奇樹奇花含遠馨

獨羨瀟湘漁父樂孤篷載網下前汀

落花

馬上閒看故故遲來時輕暖又歸時濛濛細雨將春去

款款深情有蝶知蘚磴殘堆紅撩亂藤厓新合綠參差

一年一度花開落客路蒼涼感不支

和皮陸漁具詩十二首

網

八水員生暈投波靜有聲散疑春霧活曬向夕陽明設
餌翻多事臨淵各有情無爲嬰細網願爾作長鯨

罩

相約芒屨去前灣下罩喧籠煙開葑葉出水罾蘆根湖
畔饒風景天邊印月痕漁莊生計足取次挂柴門

圖

石訪詩鈔

卷四

四

雪港三叉闊雲層四角張縠紋添水綠竿影亂葭蒼俯
仰身無與升沈孰亦忙潛鮫寒不得隨月度漁梁

釣筍

截竹標青岸拋筍泛碧流暗拖香餌去輕逐落花浮弱
纜隨風颺連槎帶月收荷盃堪取醉斫鱸入深秋

釣車

轆轤從頭轉緝綸任手旋乍驚如縱壑終得豈忘筌擘
浪憑纖繳登梓謝小鮮不須嗟涸轍逝者自悠然

漁梁

缺處承新筍編成似曲籬夕陽波混漾涼月柳參差浴
水漚頻到爬沙蟹或窺豈曾魚禁弛前路起鯤鮪

又魚

短篷蘆葦曲寒夜響魚又幽火數星遠隔谿人語譁築
沙冰格磔拄手雪杈枒更儼然犀照潭深未有涯

射魚

機事伴矰繳彎弓注意流閒情同射鴨逸響乍驚漚弱
羽稜風縱潛鱗帶血浮挽強期有備驅鱣憶潮州

鳴榔

石訪詩鈔

卷四

五

鉤罩難施處鳴榔策策過響還窅月到和儼扣舷歌遠
韻隨輕槩繁陰動碧荷歸船同載網競喜得魚多

漚

萬頃潮田雨連天舶趁風回瀾應有力跋扈孰稱雄羅
網嗟何及江湖計未工儼攜千畝竹浮海問漁翁

簍

歲晚多冰雪沈波置束薪畏寒輕玉餌趁暖潑銀鱗樂
豈洋洋得呼疑策策親春融鮮味足逸獲勝絲緝

種魚

初夏魚堪種魚苗細似鍼始看沿荇帶旋見躍波心樂
想忘濠濮情思漑釜鷺晚園瓜豆熟共佐碧醪斟

滿院二首

滿院甜香陣陣吹清風替我卷琴帷蠹愁不解花何處
蜨自前飛他自隨

乍晴乍雨太無聊春景爭如夏景饒倚徧闌干渾欲醉
石榴紅壓海棠嬌

止酒

我生十四五酒力健且勇一飲百餘觥頸似山疊腫藉

石汭詩鈔

卷四

六

充腹筇枵便便雙手奉執趨酒樹斟寒坐酒鑪搥風味
羨麴生從事撥麤冗而今量較差長吸痰旋洵書廚者
糟粕彊奪讜伯寵醉嫌罽力輕醒厭眉棱重雖無狂藥
虞漸苦糟丘壅奇氣恐澆盡文思無復涌醉鄉樂何如
亦有劉伶翁

謝人惠蒲萄

牆角清陰幾度看屈盤驚似老龍蟠種從博望攜來遠
渴到相如解不難莖露好藏千日釀斛珠應抵萬錢餐
愧無匹練酬清德珍重江州占景杓

題畫三首

幽風吹細浪涼月生湖心樓迴望無際蘆林秋更深
冷天在水一葉相浮沈遠羨忘歸者滄浪有餘音

遠峰不見處秋樹何蕭條古屋支煙磴寒流咽石橋
聽泉者誰子策杖獨逍遙老馬嘶霜鬣長亭客路迢

一曲涼波起水天開碧容幽瀾環怪石小屋隱孤峰
竹鷗深逾翠林煙秋不濃似聞聲欸乃何處覓漁蹤

驟雨

白日辟八雲裏去萬誰噪雜爭一樹雷公驅車繞天行

石汭詩鈔

卷四

七

天閭闢闔雲將怒欲雨不雨風長號飛沙四起迷煙霧
金電閃爍吹有棱魑魅次且鬼出墓須臾百狀怪醜呈
耳聾目眩魂驚怖砉然一雨破空來倒斛傾盆不知數
風箕息簸塵不揚雲陣長驅馬齊驚初若山崩石裂倒
拔千株萬年之古木又如海波四立川爭赴疑是天河
決隄防終日黃昏不覺莫黑龍突向西南飛氛駭陰掃
星辰布謹聲一夕徧海陬雨師風伯笑相遇來真不速
去何念萬里電光猶一顧

山寺辟暑四首

行行學倡楚樵歌穩著芒屨上石坡古徑苔深人跡少
危樓欄迴鳥聲多樹身奇氣千盤出峰腳清流百笕過
指點邨煙三兩處平林如薺碧橫拖

題壁當年舊印餽重來翻覺一詩無極知世外多閒趣
不信人閒有畏途選石每穿林影出聽泉時愛鳥聲呼
老僧此日忙於我茶待新煎酒待酤

楸枰銷日午初散蜩螿嘶風晚更稠萬樹洪濤長作雨
四山落葉欲成秋樵樵如綫穿雲入野果無名任鳥偷
我本蕭然一行腳但逢佳境卽句留

石訪詩鈔

卷四

八

梵宇凌空萬象含莫天杳靄蔚曇曇鳥隨敗葉下雙澗
僧共閒雲住一盃辟俗祇應尋獨樂參禪未敢學清談
家山泉石題詩徧日日尋幽路熟諳

山寺夜歸

樹密欲無影泉幽時作聲白雲畱我住明月送我行去
住兩無主裊裊月更明行行山下路一葉墮林輕

自題秋林平遠圖

遠山千萬重雲深不知處平林千萬層森森不知數一
颿林際出一颿山外住中流萬頃波颿颿自相遇我欲

坐此閒從入渾無路可望不可卽涉筆偶成趣

畏日

畏日驕人甚清涼得乍逢風聲來獨樹雲影下千峰籬
缺牽藤補谿乾宋碓春午餘酣睡好不羨酒泉封

石泐詩鈔

卷四

九

始牽藤補谿乾宋碓春午餘酣睡好不羨酒泉封

畏日驕人甚清涼得乍逢風聲來獨樹雲影下千峰籬

畏日

石泐詩鈔卷第四終

石汭詩鈔卷第五

寧遠楊澤闈

青天集

已丑

李太白蜀道難或以爲譏諷時事然其扼據要害
則真險不可升余己丑八蜀經彝陵巫夔諸峽無
日不在波濤洶涌中集中過空舫峽詩句云青天
難上有如此蜀水蜀山大抵同有不待兩岸嗥猿
始下露寰泪也編青天集

蓮花塘

石汭詩鈔

卷五

一

山外青山夕照收西風撼撼起汀洲野塘十里明如鏡
蓮葉香中澹蕩秋

桂陽道中

輕雲如絮戀晴空山脚清谿曲抱弓晚稻遠疑秋艸綠
蚤楓新學小桃紅泗洲寨古霏香雨八角峰尖刮莫風
最好輞川真面目人家蓮浦畫橋東

青天常寧道中

雞犬沿邨靜魚蝦傍晚多鳥爭孤驛柳風舞半塘荷客
思渺無極故鄉秋若何陂秔成熟近歸及聽謳歌

旅懷

亂石荒煙道寥寥，獨客征綴花棉腹。
小卸葉樹身輕薄，暝投孤店微寒暗。
短檠宵深驚雨過，風急不成聲。

月夜泛林磯口

溼煙漠漠濺征衣，野寺鐘聲落釣磯。
漁艇半颿來遠激，山家幾曲露幽扉。
江天欲晚歸雲合，林葉無多宿鳥稀。
遊興不愁風浪沮，尚隨殘月度彎碕。

三十六灣櫂歌

扁舟萬里意如何，日日蘭橈盪碧波。
三十六灣秋月好，

石泐詩鈔

卷五

二

釣回三十六鱗多

前灣湖色後灣山，數徧湖山六六灣。
一夜秋風下洲渚，客懷蕭瑟雁聲閒。

望洞庭

水與天分界微茫，一綫青元圭懷禹德幽。
瑟怨湘靈細雨千颿碧，回風萬綠馨。
幾番吞夢澤，醉眼至今醒。

枯樹灣

幾株枯樹蠹前汀，秋景蕭條入杳冥。
不辨是雅還是葉，滿江飛起莫煙青。

萬里瀟湘別緒縈飛來雙槳破澄泓山光佳處無多子
水浪聲中自在行漁戶如雲喧晚市江流若帶卽長城
遊仙欲問桃原路楚貢亭西秋月明

洞庭西湖

一月浮空對夜牕宵吞八九氣無雙秋來萬里真如水
遂在鄰船乍改腔徧地風波驚獨客四天星斗落寒江
掀篷坐起袍衫綠邀共誰人賦楚莊

曉發白沙

石訪詩鈔

卷五

三

犇馬聲中氣象渾白沙飛雨入前邨一灘人共鷺溼宿
兩岸風多蘆荻喧水靜湘靈沈錦瑟吟悲屈子斷芳魂
起驚曉日朦朧好萬頃煙波互吐吞

重九日由白沙泛舟西湖天水瀾漫四望無登

高處書此自遣

蒼梧雲鎖九疑碧衡嶽高撐千萬尺南天佳勝無處無
欲遊便許飛雙舄舟行漸覺山光少一水瀾漫浸昏曉
況復佳節際登高篷底銜盃殊艸艸推篷四望雲峰起
咫尺家山論萬里客懷鄉思兩茫茫何處歌詩陟岵屺

夜出湖口

湖光清靜裏秋月有無中樹色沈江重漁歌轉調工
脚
棹千里浪身受一天風坐羨忘機鳥寥寥下碧空

油江

山盡重湖外長湘路舊諳漁歌衝白浪秋色聚黃柑竹
霧掃逾碧楓霜紅未酣蘆中閒繫纜訪勝八茆盦

安鄉道中

萬里江風輒晴天爽氣浮木棉初集市蝦米正逢秋
迤邐新塘尾淒涼老埠頭孱陵不可泊深夜起潛虬

石泐詩鈔

卷五

四

港關

秋風萬里下荆河紅樹青山畫裏過月冷千林漁罟靜
鐙明一港酒船多嚴關監吏飢如虎寒柝連江響似鼙
客枕淒涼鄉夢熟銜盃無事且高歌

風暴夜作

直擬黃河瀉九天狂風挾雨怒喧闐客愁鄉夢兩俱碎
黑浪如山欲壓船

泊椒厓

參差籬落晚煙霏知有人家住翠微野寺傳鐘風裏到

漁舟載網月中歸吟邊蘆荻秋無際石上藤蘿綠尚肥
仰臥船舫天似水柳陰深處一螢飛

荆南柳枝

江邊無數秋楊柳綠徧荆南十萬家坐羨漁莊風景好
柴門一帶逐江斜

卽目

潭底蛟龍吼怒雷狂風一夕掃雲開垂楊幾疊分洲渚
無數煙梳得得來

枝江道中

石汭詩鈔

卷五

五

一葉隨漚鳥丹陽莫景和水從三楚遠山入百蠻多宿
艸懷王翁荒臺庾寺沱荆門栖止地愁聽郢中歌

白楊關

洞庭一去千餘里直到枝江始見山城郭人家煙處處
晚風吹過白楊關

抵宜昌二首

萬里扶搖路幾程東湖淼漫繞長城增高暗簇千花頂
舟疾輕澌一葉聲彝道關山連楚蜀峽門風雨壯蠻荆
羨他漚酒椎牛者至喜亭前賀再生歐陽公至喜亭記
夷陵當峽口江出

峽始漫爲平流舟人至者必
漉酒再拜相賀以爲更生

絕好荆南十五州行人爭倡大江流洶濤遠吼西陵峽
荒堞雄躋楚塞樓青艸城邊秦火劫綠蘿谿畔梵宮秋
夷山巴水忿忿過不信猿聲易白頭

平善壩住風

風急夷陵道波濤世路艱關巖孤石倚寺僻一僧閒絕
壁窮三峽連峰控百蠻移船吹篷去占斷水雲灣

紅石灘

連朝行色壯三巴萬里如棗博望查颿影斜牽風掣纜
石坊詩鈔 卷五 六
厓根怒起浪淘沙黃陵廟裏千年樹紅石灘頭十里花
雞犬祇疑天上有人閒何地問桑麻

南沱

西風幾日出荆河不似湘流浩蕩波雲影驅山來北蜀
灘聲帶雨下南沱蝦蟇石滑飛珠小猿鳥厓枯積木多
此地客愁朝莫是望中巫峽更如何

老關廟

風雨巴西峽忿忿此日經磴危支古廟地險說空舸猿
去停僧鉢雅歸響閣鈴酒家何處覓孤樹暝煙青

空舫峽中難石險惡必空舫方可過故名一名啞峽

空舫峽舫空乃在巴江之水東復東大小三硃鼎足
峙中流急射犇長洪船非鐵石往復來受此頑鈍相磨
礪萬夫拽牽執欲倒聲聲舫鼓催蓼牛肝馬肺參差
見兩厓不斷爭巖崿仰眎長空類坐井互如匹練如飛
虹神斤鬼斧費剗削豈惜區區鞭石功因知天地自有
險造化所設非人工青天難上有如此蜀水蜀山大抵
同

香谿峽上爲昭君郵

石訪詩鈔

卷五

七

美人青芻劇淒涼峽水空流幾曲香爭似巫山女麤醜
人閒多少祠高唐

秭歸夜泊

繞城松柏翠森森古渡斜陽秋水深淒絕楚王臺下雨
四更風急女嬃砧
百里灘頭上下洪秭歸形勝控巴東香谿倡絕蠻兒調
家住巫山雲雨中

屈沱題三閭大夫祠

秋艸寒煙綠揚舫向屈沱美人不可見詹尹策如何江

上祠空在猿聲夜更多長楸蕉萃色哀郢動悲歌
細雨入黃昏寒潮初到門杜鵑聲十里香艸泪雙痕巫
峽終朝見秭歸何處郵天窮搔首問不敢賦招魂

巴東秋風亭寇萊公遺址

楓江蕭瑟峽猿哀夜半寒潮袞袞來獨賸秋風亭址在
果然無地起樓臺

巴州城外相公泉回首雲亭泪灑然惆悵雷陽枯廟竹
無人解侶栢枝顛

八峽用大蘇韻

石汭詩鈔

卷五

八

一八龍門勝渾同虎穴探長波犇楚北巨派匯恭南地
窄回瀾紫天低曳蔚藍峰靄長不斷厓角互相參響滴
神仙洞煙霏石佛龕滌洄循鳥道呼吸起龍潭朝霧形
千變斜陽影半含竹縣根拂拂松老髮璆璆秋熟收蒼
杞孤生峙石枏濤頭掀白馬龜尾附青驂赴海川雄百
衝門浪吸三鳥高妨墮澗魚貴少提籃鑿壁逢遺隱耕
厓駭健男估颿催雨檝漁艇到霜柑風蹙青羅帶雲盤
白玉簪此中遠城郭何處見彭聃夏后功斯溥

天

朝澤久涵跳梁寧伏鼠

嘉慶間教匪之變
兵火肆八峽中

叢路漸開蠶

醉眼翻蛟壑狂遊謝蝶盒傍厓薪負土逢市酒盈甌鄉
夢連朝碎詩囊盡日慚境奇從此八道險未曾諳蠻俗
殊方問灘名客伴談風霜皇惜苦歲月敢常耽路迴三
千里峰回十二嵐瞻依心倍切利達我何貪遠志追鴻
鵠庸謀陋雀鷓但逃塵網束豈顧俗情堪峽壁流泉石
詞源落筆酣計程還幾日煎茗領香甘

峽中水浸厓壁
清流尚未可得

秋雨

篷背鳴秋雨江船客授衣孤猿攀樹出羣鳥接波飛地
僻市墟小山長鄉縣稀峽天寒氣蚤落葉下巖扉

石沔詩鈔

卷五

九

巫山竹枝

神女廟前雲氣深巫山山下雨淫淫人間一枕襄王夢
多少朝朝莫莫心

縹渺巫山十二峰山樓粉堞晚煙濃元猿黃雀聲聲裏
雙鬢如絲愁殺儂

錯開峽

石經神斧尚峨峨霹靂聲中水旋渦鐵鑄六州終是錯

天開三峽近猶訛

三峽或以爲廣谿峽明月峽仙
人峽或以爲西陵峽巫峽歸峽濤頭

滉漾催成雨雲影依稀倒八河莫怪詩成多險語此行

何日不風波

抵夔州

懸厓百丈俯徃路八雲安景不同落日塵清夔子國
晨霜鐘緊梵王宮瞿唐峽口千秋月灩澦堆頭一綫風
無數晚颿閒去任雪泥心事寄冥鴻
到此人皆慶再生夜來多覺夢魂驚波濤洶涌黃牛峽
雷電轟轟白帝城孤石危兼雲執聳畫船狂捲浪花行
英雄割據真天險奇策終難掃不平

泊小竹谿

夢中得次聯十字

石泐詩鈔

卷五

十

水石清幽處柴門一帶斜谿流侵小竹樹影落平沙客
枕涼如水船鐙黯欲花夢中無別境萬里易還家

由分水至曲水

一曲平分水流從縹渺閒馬愁新雨滑鳥逐晚晴閒竹
隴深藏屋雲屏遠作山畱連觴詠地樂事憶鄉關

白兔山登飛雪樓觀瀑小憩蟠龍橋

涼飈高卷莫雲濃危棧依稀度晚鐘蜀嶺雄風傳獻免
禪關飛雪隱蟠龍道難已上青天半山疊遙連綠樹重
樓外斜陽催去騎掃苔聊紀去來蹤

梁山蚤發

盤峻梁山道寒更斷麗譙鐙隨人影盡雲送馬蹏遙野
市門多掩碣樓樹半彫酸風寒徹骨何處酒帘招

大竹

古棧崎嶇落葉紛上方鐘磬幾回聞林疏石瘦都宜畫
水綠山青迴不分老馬解投會宿店野雅閒喚未歸雲
旅牕宋莫題詩罷小坐柴門對夕曛

九盤寺

漫天雲影繞征鞞蜀地初經處處難急瀑雨催香麪熟
石坊詩鈔

卷五

七

碓硎門

客路逢秋盡還驚落葉紛碣樓低接樹棧閣遠排雲鑿
石龕連佛募碑蘇印文十年邊警急遺慨動前聞

宿李渡河

牕面玲瓏閃落暉忽驚牕外一颿飛危闌極目凭江館
綠水多情上客衣郵酒醺時遊興倦鐙花影裏夢魂歸
錯疑三峽孤舟夜祇欠猿聲隔翠微

宿順城旅舍題壁

旅館蕭條葉落時
雪鴻蹤跡有誰知
四千里外孤征客
馬上風霜枕上詩

曉發蓬谿

朗山橋畔小城西
喚夢聲聲破曉雞
客路那堪連夜雨
又催征馬過蓬谿

鹽井

蓬谿谿畔蓬山麓
雉堞碉房高下複
巨筴牽籐維怪石
高橋插漢支雙木
蠻煙不斷亘壑昏
遠疑萬箇舟行陸

石泐詩鈔

卷五

七

天根地脈巧窺探
左右逢原溫生谷
畚鍤芟剔艸根盡
鑿開一竅甜香撲
豈必九仞掘及泉
時出居然指可掬
筠筩大小不盈尺
千尋直下鳴飛鏃
健夫競踏圓輪轉
朝汲莫引夸神速
機事功侔水榷棹
皮束文勝車輶輓
銀漢層落泉歎薄
不盡明砂千萬斛
積雪飛霜波可熬
印絜珠剖沙堪漉
螳旋驢磨四山響
白石爲竈槌皮屋
金錐玉鑿花粲英
大孟小甕酒生醖
山火透迤燄正長
水晶爛漫煑初熟
梓潼繖子隆隆起
琴湖桃花月盈縮
馬齒徒夸九種全
虎形尚待籩人築
斤鹵鹹嗟食肴將

白雪之白真所獨器車醴泉聖王瑞物物天地爲鍾毓
不窮并養資人力稼穡作甘富方穀

抵成都

井絡天高極目空何年開闢此蠶叢流經神峽源難竭
賦到陽臺句易工從古詩人夸八蜀卽看雲物亦稱雄
文章賴有江山助破浪來乘一路風

萬里巴蠻快壯遊果從天上豁青眸才人幾輩推揚馬
仙客真教問斗牛九死餘生風雀靜半年閒跡雪鴻留
浣花谿畔橋西宅取次尋吟上釣舟

石沔詩鈔

卷五

十三

石沔詩鈔卷第五終

白雪之白真所獨器車醴泉聖王瑞物物天地爲鍾毓
不窮并養資人力稼穡作甘富方穀

抵成都

井絡天高極目空何年開闢此蠶叢流經神峽源難竭
賦到陽臺句易工從古詩人夸入蜀卽看雲物亦稱雄
文章賴有江山助破浪來乘一路風

萬里巴蠻快壯遊果從天上豁青眸才人幾輩推揚馬
仙客真教問斗牛九死餘生風雀靜半年閒跡雪鴻留
浣花谿畔橋西宅取次尋吟上釣舟

石沔詩鈔

卷五

三

石沔詩鈔卷第五終

價目	20.00
冊數	6
定價	120

20-178

